



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Petri Ribadeneiræ, Societatis Iesv Presbyteri, De  
Tribulationibus huius seculi Libri Duo**

**Ribadeneyra, Pedro de**

**Coloniae, 1604**

XV. Quomodo homo mereri possit apud Deum per tribulationes contra  
voluntatem superuenientes.

[urn:nbn:de:hbz:466:1-50340](https://nbn-resolving.org/urn:nbn:de:hbz:466:1-50340)

*QUOMODO HOMO MERERI POSSIT  
 si apud Deum per tribulationes contra  
 voluntatem superuenientes.*

**I**nterrogaret fortassè quispiam me:  
 placetne Deo hoc, quòd præter volū-  
 tatem suam homo patitur, cū nec pecca-  
 tum, nec virtus, aut meritum quicquā re-  
 putetur, nisi fuerit voluntarium? Respon-  
 deo, non quidem peccatū aut meritum.  
 censerī, quod non ex deliberata proces-  
 serit voluntate; nihilominus tamen tan-  
 tam esse Dei bonitatem, vt ipsius subue-  
 niente gratia, ex necessitate homo ope-  
 retur virtutem, & quod antea sine volun-  
 tate erat & absq; merito, efficiatur volun-  
 tarium & maximè meritorium. Nam sic-  
 ut is qui ingenti exorta tempestate, in  
 mari periclitatur, vt præsentissimū mor-  
 tis euadat periculum, merces omnes &  
 quicquid bonorum nauis continet, ma-  
 rinis fluctibus tradit deuorandum; quod  
 etsi illibenter faciat, attamen alterutrum  
 necessarium esse perspiciens, vt nimirum  
 vel bonorum, vel vitæ iacturam faciat,  
 mauiult perdere bona, quàm vitam, &  
 quia hac nihil charius possidet,  
 idcirco voluntariè diuitias oēs proijcit.

in mar-



112 DE TRIBVLATIONE

in mare quas haudita facile abijceret, si has vitæ angustias euasisset.

Eodem modo & nos faciamus necessesse est, qui enim ex debilitate, imò ex discordia & tepore nimio nos ipsos ad maiorem Dei gloriam & honorem spontè tribulationibus exponere detrectamus, saltem ægritudines, miserias, aduersitates, vel alias quascunque molestias à Deo nobis immittas, equanimiter toleremus, vt volentes hoc quod Deus vult, eidem nos ipsos offeramus, per veram atq; perfectam propriæ voluntatis resignatione. Hinc Gerson S. Tob plus asserit meruisse, quòd illatam sibi à Sathana iniuriam patienter sustinuerit, quàm si ex voluntate libera omnem suam substantiam pauperibus erogasset; quia maiori præmio digni sumus, si ærumnas superuenientes sine querela & murmure, sine diuinorum iudiciorum reprehensione, & absque odio proximi æquo animo sufferamus, quàm si disciplinis, ieiunijs, vigilijs, alijsque molestijs carnè nostrā maceremus. Neque enim S. Iob expetiuit, vt filijs priuatus, bonis omnibus exutus, infirmitate & vlcere pessimo percuteretur in corpore, sed vltro à Sathana inquisitus & afflictus est, qui tamen hanc sibi tribulationem à Deo irrogari non sine paruo fructure.

*Iob. 1. 2.*



Etarecognouit. Nec corporalem sibi Tobias procurauit cæcitatem, sed sicut ait Scriptura: *Contigit, et quadam die fatigatus à sepultura, ueniens in domum suam, iactasset se iuxta parietem, et obdormisset: et ex nido hirundinum dormienti illi calida sterora incidere super oculos eius, fieretque cæcus.* Nec seipsum Ismaëlitis vendidit Ioseph, aut uoluntariè carcerem ingressus est: multò minus de persecutione Saulis gaudebat Dauid, nec magis lætabatur in maledictione Semei: at viri isti haud aliundè quàm à Deo calamitates suas prouenire considerantes, eidem seipfos perfectè conformârunt, non aliud uolentes, quàm quod uolebat Deus.

Est quando tribulationes inueniuntur à nobis, est quando nos inuenimur ab illis; sed siue ipsæ à nobis, siue nos ab ipsis quæsitæ & inuentæ fuerimus, in idem recidit, refugium nostrum Deus, tota que spes, fiducia, & consolatio nostra, diuina est uoluntas & prouidentia. Vnde ait Propheta: *Tribulationem & dolorem inueni: & nomen Domini inuocaui.* Et iterum: *Tribulatio & angustia inuenerunt me: mandata tua meditatio mea est.* Quemadmodum enim ciuilitati, bonisq; moribus aduersatur, ad quamlibet offensam contrahe-  
re vultum & irasci, & tantò magis, quanto per-

Thob. 2..

Gen. 37.

et 39. cap..

1. Reg. 16.

2. Reg. 16..

Psal. 114..

Psal. 118..



114 DE TRIBVLATIONE

to persona dignior à qua iniuria afficimur, sic quoque absurdissimum est, nolle recipere ea quæ Deus nobis immittit, siue bona illa fuerint, siue mala.

Si famulus quispiam à Domino aliquo, vt sibi seruiat requisitus, eidem famulari recuset; postmodum autem, cum iam fortunæ vela murata fuerint, & in paupertatem inciderit, vltro se in eius seruitium ingerat, & famulari ipsi humiliter deposcat, absque dubio Dominus superbiæ illius memor, nec iam supplicem agnoscet seruum, qui se prius habere noluit Dominum.

Hæc sibi inuicem homines faciunt: non ita nobiscum agit Deus, vnicus & supremus ille cœli ac terræ Dominus, nõ ita inquam agit, qui humanissimè omnes ad se venientes excipit, qui adeo etiam bonus, adeoque benignus & misericors est, vt quamuis sæpissimè ab ipso inuitati, venire neglexerimus, oblationes etiam & dona nobis promissa contempserimus; si tamen vel saltem necessitate compulsi reuertamur, & ab eodem suscipi rogemus, occurrat nobis, expansisque brachijs miseros amplectatur, nullius iniuriæ, nullius memor despectus.

Atque hoc modo meritorium ac voluntæ



LIBER PRIMVS. my

untarium efficitur id quod per se voluntarium non est. Et licet sensualitas atque imbecillitas naturæ nostræ eidem repugnet, nec non & dolorem aliquem inde percipiat, & euadendi media quærat, non tamen propterea desperemus, existimantes nos oleum & operam perdidisse, sed inclinationem istam naturalem æquitatis ratione & voluntate libera debellare, fragilitatemque nostram per Spiritum sanctum, & veram voluntatis propriæ resignationem atque subiectionem, corroborare studeamus. Hanc enim solam respicit ac remunerat Deus, qui tantò magis illustrat victoriam, quântò difficiliorem viderit esse pugnam.

CAPVT XVI.

DE REMEDIIS PARTICVLARIBUS  
*quibus in tribulationibus particularibus vtendum est.*

**R**emedia superioribus capitibus allata, ad mitigandas atque alleuiandas afflictiones indies nobis superuenientes, generalia sunt, & in quouis tribulationum genere vtilia ac necessaria, ita vt si benè illis vti nouerimus, integrè & perfectè nos consolentur, gemitusque  
nostros